

醫畧六書女科指要調經卷之二十六下

崩漏門

陰虛陽搏謂之崩血滲氣泄謂之漏或勞傷元氣氣不統血或虧損肝脾血不歸經或七情鬱結血液偏滲或風熱外乘血爲邪迫所謂陽絡傷則血外溢陰絡傷則血內滲也忽然暴下勢不可遏謂之崩經血不住淋漓不斷謂之漏

脉法

崩脉多芤漏脉必濇數爲血熱軟則氣虛風干衝任脉必浮弦冷結胞門脉則沉細若夾瘀血滯滯無疑

治法

崩宜扶元澁血升舉清陽漏宜調理其經血清自止瘀當消補熱則清涼風則疎之冷則溫之至隨證活法則審病製宜

用藥

主以補陰益氣煎加白芍血餘灰挾風加炒黑荊芥挾熱加炒黑丹皮挾寒加黑姜灰氣虛倍人參加炙黃耆血滑加敗棕灰赤石脂腹痛加廣木香細香附血滯加醋炒延胡灰真如確有

血瘀可加蒲黃灰五靈脂灰俱宜醋炒以斂之此在崩症亦當先理血氣為主若屬大虛卽漏症便當補澁慎毋執一也

選方

補陰益氣煎 治崩漏氣血兩虧清陽下陷脉軟弦微數者

生地

五錢

人參

錢半

當歸

三錢 醋炒

升麻

三錢 醋炒

山藥

三錢 炒

柴胡

五分 醋炒

炙草

八分

陳皮

錢半

炒黑荷葉一張水煎去渣溫服

氣血兩虧清陽下陷而血不歸經故崩而且漏不能遽止焉生地滋陰壯水力能涼血止血人參扶元補氣又能舉陷升陽山藥補脾益陰當歸養血歸經升麻升陽明清氣柴胡升少陽清氣陳皮利氣和中炙草緩中和胃也佐炒黑荷葉者亦升陽止血之意水煎溫服使血氣內充則脾胃受陰而血自歸經何致清陽下陷而崩且漏哉

荊芥四物湯 治風熱經漏脉浮數者

生地

五錢

荊芥

錢半 炒黑

白芍

錢半 炒

當歸

三錢 醋炒

條芩

錢半 炒黑

川芎

一錢

香附

錢半 童便製

地榆

三錢 炒黑

水煎去渣溫服

風熱傷於衝任經氣洋溢不能攝血而血不歸經故漏血不止焉生地滋陰涼血當歸養血

歸經川芎入血海以升陽白芍斂營陰以止血條芩清風熱在裏荊芥散風邪於血香附調氣解鬱地榆涼血瀉血也水煎溫服使風熱外解則經氣清和而血無妄行之患何經漏之不止哉

奇効四物湯 治漏經腹痛脉虛瀉數者

熟地 五錢

當歸 三錢

白芍 錢半

川芎 一錢

黃芩 一錢酒炒黑

艾葉 一錢炒黑

阿膠 三錢蒲黃灰炒

水煎去渣溫服

濕熱傷於血室經氣不固故漏血不止小腹作痛焉熟地補陰滋榮血室當歸養血吸引歸經川芎行血中之氣白芍斂經脉之陰黃芩清濕熱之邪兼除熱鬱之痛艾葉煖子宮之血更解濕鬱之疼阿膠補任脉之陰以止衝脉之血也水煎溫服使濕熱化而血室寧則經氣清而腹痛退何患漏經之不止哉

河澗生地飲 治經漏煩熱脉虛洪者

生地 五錢

熟地 五錢

黃芪 三錢蜜炙

五味 五分

白芍 錢半炒

天冬 三錢去心

枸杞 三錢

地骨皮 錢半

地榆 三錢炒炭

水煎去渣溫服

經漏日久去血過多故陰不維陽煩熱作渴不已焉生地壯水滋陰熟地補陰滋血黃菩補中氣以生水天冬潤肺氣以益陰白芍斂陰止血枸杞補腎填精地骨皮清肌退熱五味子斂液收津地榆炭瀉血以止血也水煎溫服使氣陰並旺則金水相生而煩熱自退作渴頓除何致經氣不完漏久不除哉

清熱地黃湯 治血崩煩熱脉洪瀉者

生地

五錢

黃連

錢半炒黑

白芍

錢半醋炒

荊芥

錢半炒黑

知母

錢半炒黑

黃柏

錢半炒黑

當歸

三錢醋炒

丹皮

錢半炒黑

地榆

三錢炒炭

水煎去渣溫服

血虧伏熱迫血妄行故煩熱不止血崩特甚焉生地滋陰壯水黃連降火清心黃柏清相火之熾知母潤血氣之燥荊芥散火之伏以理血白芍斂血之走以存陰丹皮灰涼血止血醋當歸養血吸血地榆炭瀉血以定血也水煎溫服使伏火化而血氣充則煩熱自退而血無妄行之患何血崩之不止哉

小薊湯 治血崩脉弦數者

生地

自然汁一不

白朮

三錢炒黑

白芍

錢半醋炒

柴胡

三分鹽水炒

小薊根

自然汁一不

山梔

錢半炒黑

除二汁水煎濃汁去渣沖服

土虛木旺火動於肝致迫血妄行故血崩不止焉白朮培脾土之虛白芍平肝木之旺山梔屈曲降火以涼血柴胡解熱升清以疎肝生地汁滋陰榮木小蘗汁涼血止血也水煎沖服使水潤木榮則脾土復其健運之常而火有所降血有所歸何血崩之足患哉

芎藭膏 治血崩氣陷不時舉發脉弦數者

生地

十兩取汁 芎藭 一兩

芎藭煎汁沖地黃汁分三次溫服

血室空虛生氣不振故常覺氣陷於下而血崩不時舉發焉生地耑滋血室之空虛芎藭特舉生氣之下陷二味成方味同力銳能使血室滋榮生氣振發則衝任無不完固而血自歸經何致不時舉發血崩哉

金華散 治暴崩腹痛脉數濇大者

當歸

三兩醋炒

蒲黃

兩半炒黑

乾姜

六錢炮黑

桂心

六錢炒黑

黃連

六錢炒黑

石羔

六錢煨過

靈仙

六錢炒黑

爲散米飲下三錢

冷熱不調血瘀衝任故腹痛心煩暴崩不止焉薑桂溫衝任之寒羔連平肝胃之熱當歸醋

炒養血歸經蒲黃炒黑破瘀止血靈仙走經絡以調經也爲散以散其瘀飲下以和其胃使胃氣調和則冷熱無不調而血無瘀逆之患何煩痛不除暴崩不止乎

簡易黃芩散 治熱迫崩中脉數者

黃芩

二兩
炒黑

爲散小薊湯下三錢

熱迫於中血崩於下黃芩一味爲散以散其熱小薊湯下涼血以止其血也使熱化血涼則血自歸舍而無妄行之患何崩中之不止哉

膠艾四物湯 治崩漏腹痛脉虛者

熟地

五錢

當歸

三錢
醋炒

白芍

二錢
醋炒

川芎

一錢

阿膠

三錢蒲
黃灰炒

艾葉

一錢
炒黑

甘草

五分
炙

水煎去渣溫服

勞傷營氣血不歸經故崩漏不止腹痛頻頻焉熟地補陰滋血當歸養血榮經川芎行血中之氣白芍斂妄行之血阿膠補任脉以和衝脉艾灰煖子宮以除腹痛炙甘草以緩中和胃也水煎空心服之使胃氣調和則經脉受蔭而腹痛自退血無妄行之患何崩漏之不止哉

當歸白芍湯 治經漏倦怠脉弦軟者

生地

五錢

黃耆

三錢 蜜炙

熟地

五錢

蒼朮

一錢 炒

白芍

錢半 炒

白朮

錢半 炒

當歸

三兩

柴胡

三分 醋炒

陳皮

錢半

甘草

五分 炙

水煎去渣溫服

勞役傷中經漏久不能止以致氣血大虧倦怠無力焉熟地補陰滋血生地壯水滋陰黃耆補中益氣以攝血白朮燥濕健脾以生血陳皮和中利氣蒼朮燥濕強脾當歸養血液以歸經白芍斂營陰以止血柴胡升陽舉陷甘草緩中益胃也水煎空心溫服使脾胃調和則氣壯神強而經脉完固何有經漏久不止之患哉

柏子仁湯

治崩中不止脉弱者

鹿茸

二錢 酥炙

柏子仁

三錢 炒

茯神

二錢 去木

當歸

三錢 醋炒

川芎

八分

遠志

錢半 鹽水炒

香附

錢半 炒

阿膠

三錢 蒲黃灰炒

續斷

三錢 炒灰

甘草

六分 炙

水煎去渣溫服

心陽虧損不能主血而血不榮經故眩暈心嘈崩中不止焉鹿茸補陽氣以壯督脈香附調氣鬱以伸木火柏仁養心神以主血而心嘈自退阿膠濟水火以藏血而眩暈自除小川芎入血海以升陽醋當歸養血脉以吸血續斷續經脉兼能定血遠志交心腎更兼散鬱茯神

滲濕安神甘草緩中益胃也水煎溫服使眞陽受益而心氣和平則經脉完固而血無妄行之患何致崩中不止哉

養血平肝散 治血崩暴下脉弦濇者

生地 五兩 柴胡 五錢 白芍 二兩 川芎 一兩 當歸 三兩 香附 二兩 青皮 兩半 甘草 五錢

爲散炒黑荷蒂湯下三錢

惱怒傷肝肝不藏血故血崩暴下勢不可遏焉生地滋陰壯水性能榮肝木以養肝柴胡解鬱升陽力善舒肝木以達肝川芎行血海以調肝白芍歛肝陰以止血香附調氣解肝鬱青皮破氣平肝志當歸養血歸經絡甘草緩中和胃氣爲散荷蒂灰湯以和胃守中也俾胃氣調和則肝鬱自解而經氣和平血無妄行之患何暴崩勢甚有不可遏者

盛胃升陽湯 治崩中食少脉軟濇者

人參 錢半 黃耆 三錢 白朮 錢半 當歸 三錢 升麻 三分 神耑 錢半 柴胡 五分 甘草 五分

陳皮 錢半

水煎去渣溫服

勞傷中氣血不歸經故倦怠食少崩中不止焉人參扶元補氣以攝血黃耆補氣固中以定

崩白朮健脾強胃當歸養血歸經升麻升陽明清氣柴胡升少陽清氣陳皮利氣和中神麴
化滯開胃甘草緩中以和胃也水煎溫服使脾胃強壯則經氣完固而自能攝血無不食進
神康安有崩中之患哉

升陽調經湯 治血崩身疼脊強脉浮緊者

羌活

錢半

獨活

錢半

升麻

七分

葛根

錢半

薑本

錢半

蒼朮

錢半炒黑

柴胡

八分

當歸

三錢

紅花

五分炒黑

甘草

八分

水煎去渣溫服

寒濕襲經經氣不能布護故身疼脊強血崩如篩焉羌活薑本散太陽巔頂之邪獨活葛根
散少陰陽明之邪升麻柴胡升陽散鬱以通肌蒼朮甘草燥濕強脾以和胃當歸紅花引入
血分也水煎溫服使邪從汗解則經氣清和而血自歸經何有崩下如篩之患所謂奪汗則
無血也在經厚氣壯之人庶可暫用以分解其邪若膏粱氣弱之輩慎毋輕試

調經升陽除濕湯 治暴崩夾水脉浮緩者

黃芩

三錢蜜炙

蒼朮

錢半炒

羌活

錢半

防風

錢半

薑本

錢半

升麻

八分

柴胡

八分

當歸

六錢

獨活

錢半

蔓荊

錢半

甘草

錢半

水煎去渣溫服

風濕干於衝任傷血室而血不能藏故夾水下崩勢不可遏焉黃耆補虛舉陷以攝血蒼朮燥濕強脾以却水防風祛風勝濕藁本直通巔頂獨活散少陰之邪羌活散太陽之邪升麻升陽明清氣柴胡升少陽清氣蔓荊疎厥陰之風甘草緩中州之氣當歸引血以歸經也水煎溫服使風濕外解則經脉清和而血自歸經何有夾水下崩之患哉

失笑散 治血崩心痛脉濇大者

蒲黃

三兩
炒黑

靈脂

三兩
炒灰

爲散米飲下三錢

血瘀心脾胃氣不化而衝任少蓄泄之權故血崩於下心痛於上焉蒲黃炒黑散瘀止血靈脂炒灰散瘀定痛爲散以散之米飲以和之使瘀化新生則經脉清利而脾胃氣化有權血無妄行之患何血崩心痛之不已哉

如神散 治血崩腹痛脉濇滯者

香附

三兩
醋炒

赤芍

兩半
醋炒

爲散米飲下三錢

肝脾氣滯血併於經而蓄泄無權故血崩不止腹痛不已焉香附調氣解鬱醋炒以散其結氣赤芍破瘀平肝醋炒以消其積血爲散飲調使血化氣平則肝脾無滯逆之患而腹痛自退蓄血無妄行之愆血崩無不自止矣

立效散

治血崩臍腹痛脉弦緊瀉者

香附

三錢醋炒

赤芍

兩半醋炒

當歸

三兩醋炒

靈脂

兩半炒灰

良姜

兩半炒黑

爲散童便下三錢

胃寒血瘀肝脾不於而衝任無蓄泄之權故臍腹疼痛血崩不止焉高良姜炒黑力能煖胃溫中兼以燥濕而調衝脉五靈脂炒灰功端破瘀調經兼以止血而安任脉香附醋炒消其積氣赤芍醋炒散其結血當歸養血和血以吸引歸經也爲散以散其寒童便以清其血使血化寒消則經氣調和而衝任權操調行如度安有臍腹作痛血崩不止之患哉

濟陰方

治血崩心腹痛脉澹者

熟地

五錢

當歸

三錢醋炒

赤芍

錢半醋炒

肉桂

八分去皮炒灰

丁香

八分炒黑

香附

三錢醋炒

水煎去渣微溫服

血虧挾瘀寒滯於中故心腹作痛血崩不止焉熟地補血以滋衝任赤芍破瘀以調經脉丁

香溫中散滯炒黑更能燥濕強中肉桂煖血溫經炒灰亦可定崩止血香附調氣解鬱當歸引血歸經也水煎微溫服俾瘀血化而寒滯消則衝任調適而經脉融和何有心腹疼痛血崩不止之患哉

加味崩漏四物湯 治血崩脈虛瀉者

四物湯丸 一兩 金華香附 二錢 炒黑

血室空虛挾氣滯而衝任不調營運失度故既崩而且漏焉四物湯以滋補其血而調其衝任醋香附以調平其氣而和其百脉水煎溫服使血室滋榮則滯氣自化而血無妄行之患何崩且傳漏之不已哉

丁香膠艾湯 治崩漏如屋漏水脉弦急緊細者

生地 五錢 炒鬆 當歸 三錢 醋炒 白芍 錢半 醋炒 川芎 一錢 阿膠 三錢 蒲黃灰炒 丁香 一錢 艾葉 一錢 醋炒

水煎去渣溫服

寒濕襲經遏熱不化而衝任失守故崩而傳漏如屋漏水焉生地滋陰壯水以退遏熱炒鬆能去陰中之濕白芍斂陰和血以濟衝陽醋炒能止失位之血川芎入血海行血中之氣炒灰去血中之濕以分清當歸養衝脉歸經脈之血醋炒收虛陽之動以止漏丁香溫中散寒

滯漏血當炒灰艾葉溫經煖子宮漏水當炒黑阿膠補任脉之陰以定衝脉之血也水煎溫服使寒濕外散則遏熱頓消而衝任完固何致崩而傳漏如屋漏水之不止哉

芎藭湯 治崩漏腹痛脉緊細者

芎藭 一錢 黃耆 三錢 蜜炙 吳茱 五分 醋 白芍 錢半 炒 當歸 三錢 熟地 四錢 乾姜 五分 炮黑 甘草 五分 炙

水煎去渣微溫服

寒濕襲虛經氣不攝故腹痛不止崩且傳漏焉熟地補陰滋血黃耆補氣攝血芎藭行血中之氣以除腹痛白芍欽失位之血以止漏崩吳茱溫中止痛炮姜溫中止血當歸行血經歸炙草緩中和胃水煮微溫服使寒濕外散則經氣內充而衝脉完固何有腹痛不止崩且傳漏之患哉

斷下湯 治崩漏腹痛脉軟者

熟地 五錢 人參 錢半 當歸 三錢 川芎 一錢 阿膠 三錢 蒲黃 炒 乾姜 五分 炮黑 烏賊骨 三錢 煨 艾葉 一錢 炒黑

水煎去渣溫服

血氣兩虧寒邪襲於衝任故經氣失守而腹痛不止崩後復漏焉人參扶元補氣熟地補血滋營當歸養血脉以吸血川芎入血海以調經炮姜溫中止血艾葉溫經止痛阿膠補任脉

之陰以固衝脉之血賊骨燥血中之濕以澁崩漏之血也水煎溫服使氣血滋營則寒邪自消而經氣完固何患腹痛不退崩漏不除乎

荊芥散

新製

治崩漏腹痛脉弦浮數者

生地

五錢 炒炭

荊芥

五錢 炒灰

白芍

錢半 醋炒

白朮

錢半 炒炭

當歸

三錢 醋炒

木香

一錢

茯苓

錢半

血餘灰

三錢

敗棕灰

三錢

荷葉

三錢 炒黑

水煎去渣溫服血熱加丹皮灰血滯加延胡灰血中氣滯加香附灰血氣虛脫加赤石脂欬嗽加桑皮氣虛加人參陰血虛加阿膠珠蒲黃灰炒胃中寒加炮姜炭淡鹽水炒

任勞傷中挾風邪而衝任不調經血失守故腹痛崩漏不止焉生地炭涼血滋血兼去血中之濕以止血荊芥灰和血疎風能去經絡之濕以撫血當歸身養血歸經白芍藥欬陰和血白朮炭健脾燥濕廣木香調氣醒脾血餘灰去瘀生新以除漏敗棕灰澁血固經以定崩白茯苓滲濕和脾荷葉灰升陽止血也水煎溫服血熱加丹皮灰以涼血止血滯加醋炒香附炭以調血中之氣亦兼止血血氣滑脫加醋煨赤石脂以澁滑脫之血最能固下欬嗽加桑皮以肅金氣虛加人參以扶元陰血虛加阿膠以補任脉之陰蒲黃灰炒以止衝脉之血胃中寒加炮姜以煖中宮之冷淡鹽水炒以攝虛陽之動且能堅腎以固衝任之虛脫也此

乃時下調治腹痛崩漏之法或夾寒熱或夾頭痛無非一味荊芥可以了事故不具載加減法中觀其隨證調治無不頭頭是道

黑逍遙散 治崩漏脉弦虛數者

生地 五錢

柴胡 五分

白芍 錢半

醋炒

歸身 三錢

醋炒

白朮 錢半

炒

茯苓 錢半

甘草 五分

水煎去渣微溫服血熱加丹皮陰虛加牡蠣

任勞多鬱虧損肝脾致經氣不調經行失其常度而崩漏不已焉生地壯水滋陰兼能涼血止血白朮健脾燥濕即可止漏定崩白芍斂陰和血當歸養血歸經柴胡升陽解鬱茯苓滲濕和脾甘草緩中和胃也血熱加丹皮降火陰虛加牡蠣固澁隨手拈來無不絲絲入扣四物加味湯 治崩漏脉虛者

四物湯 一兩

人參 二錢

吳茱 五分

醋炒

赤石脂 三錢

醋炒

炮姜 五分

水煎去渣溫服

血室虛寒陽氣不能統運故蓄泄無權腹痛崩漏焉四物湯以滋培血室吳茱炮姜以溫中逐冷更用人參扶元補氣石脂澁脫定崩漏也水煮溫服俾血室既充則寒邪無不化而衝任蓄泄有權經行自然如度何患腹痛不退崩漏不除乎

熟附丸 治崩漏脈沉細者

附子

二兩 炮黑

當歸

三兩 醋炒

赤石脂

三兩 醋炒

川芎

一兩 醋炒

木賊

一兩 炒黑

白龍骨

二兩 煨

爲末煉蜜丸米飲下三錢

陽氣虛衰血室不固不能統攝衝任之血故崩而復漏不已附子補真陽以固任脉石脂澁真血固衝脈木賊升陽達氣龍骨澁脫固虛川芎入血海以上行當歸養血脉以歸經也蜜以丸之飲以下之使火壯氣充則陽不復陷而血室完固何有崩漏不已之患哉

生料鹿茸丸 治崩下脉沉微者

鹿茸

二兩 酥炙

附子

一兩 炮黑

赤石脂

三兩 醋煨

熟地

四兩

當歸

三兩 醋炒

禹餘糧

三兩 煨

續斷

二兩 炒灰

側柏

一兩 炒黑

艾葉

一兩 炒黑

爲末煉蜜丸米飲下三錢

陽虛風冷襲入胞中致衝任之氣不固而血不能藏故崩下不已焉附子補真火以扶陽鹿茸補督脉以壯陽蓋陽回氣壯則衝任自固而又以赤石脂澁血固下禹餘糧澁氣固經俾氣血完固則血不妄行熟地補陰滋血脉當歸養血歸經脈續斷續絕扶虛羸艾葉溫經煖子宮側柏灰以止血定崩下也蜜以丸之飲以下之使陽氣內充則風冷外解而經脉完固